



## Poziv za studente: **PUTUJEMO U EVROPU 2016**

### **O Programu**

Inkubator društvenih inovacija „Munja“ i info platforma HOĆU.ba uz podršku Robert Bosch Fondacije, Balkan Trust for Democracy i partnera otvara i devetu godinu za redom poziv za učešće u programu «Putujemo u Evropu» za studente završnih godina prvog i drugog ciklusa studija univerziteta/sveučilišta u Bosni i Hercegovini. Do sada stipendiju je dobilo i u programu sudjelovalo **242** studenta.

Cilj projekta je da se omogući da najmanje **24** najboljih studenata na univerzitetima/sveučilištima u BiH provedu ljeto kao većina njihovih vršnjaka iz Evrope, putujući po slobodno po Evropi i upoznavajući evropske gradove i narode. Pobjednici na konkursu dobijaju stipendiju koja se sastoji od sljedećeg:

- InterRail karta za 22 dana putovanja evropskim vozovima vrijednosti 748 KM
- džeparac u iznosu 270 KM
- studentska kartica ISIC
- putno osiguranje
- učešće na trodnevnom specijalnom otvaranju programa u Berlinu 25-28.07.2016. godine (smještaj i obroci u Berlinu, susret sa studentima iz Jugoistočne Evrope, party, razgledavanje grada, susret sa zvaničnicima SR Njemačke i Fondacije Robert Bosch i dr.)
- orijentacijska radionica u Sarajevu (prevoz i ručak) i vodič za putovanje sa savjetima

### **Osnovni kriteriji za odabir studenata:**

1. Prijave mogu podnijeti isključivo studenti završne godine prvog ciklusa, absolventi ili studenti postdiplomskog studija do 26 godina starosti koji su državljani BiH i posjeduju putnu ispravu;
2. Prednost imaju kandidati/kinje koji su do sada nikako ili manje putovali u inostranstvo;
3. Prednost je ukoliko imaju angažman u studentskim, omladinskim ili/i nevladinim organizacijama;
4. Znanje stranog jezika
5. Uspjeh studenta:
  - Prosječna ocjena najmanje 7,5 (3,0) i više (kandidat/kinja podnosi original potvrdu o položenim ispitima i prosječnoj ocjeni)
  - Dužina studiranja
6. Motivacija za učešće u programu i spremnost za angažman na promociji mobilnosti mladih.

### **Način prijave**

Potrebno je pripremiti nekoliko dokumenata te ih staviti u kovertu:

1. **Prijavni formular** koji ćete elektronski popuniti, isprintati i potpisati. Formular preuzimate sa web stranice [www.hocu.ba](http://www.hocu.ba).
2. **Potvrda o upisu godine ili absolventskog staža** (izdaje fakultet);

3. **Potvrda o položenim ispitima i prosječnom ocjenom tokom studija** (izdaje fakultet);
4. **Fotokopija prve strane pasoša/putovnice;** (svi pasoši koji pokrivaju zadnjih 5 godina se donose na intervju)
5. **Fotokopija lične karte/osobne iskaznice;**
6. **Fotokopija prve stranice indeksa i kopija strana u indeksu sa posljednjim položenim ispitima.**

Pored koverta sa navedenim materijalima kandidati trebaju pripremiti slijedeći zadatak:

#### **7. Kreativni zadatak**

Svaki kandidat/kinja treba da snimi na mobitelu ili kameri video do 30 sekundi u kojem će navesti glavne razloge zašto bi da sudjeluje u programu i šta za njega znači mobilnost mladih. Snimljeni video potrebno je da kandidat/kandidatkinja postavi na svoj Facebook profil uz status: **Putujemo u Evropu 2016 – [www.hocu.ba](http://www.hocu.ba) #munja #pue16 #hocu\_ba**

Link na taj video potrebno je poslati na [munja@munja.ba](mailto:munja@munja.ba) najkasnije do 10.06.2015. godine do 15:00h. Neophodno je za subject e-maila koji šaljete staviti slijedeći naziv: **Pue16 – ime i prezime osobe.**

U sklopu procesa selekcije ocijenit će se i kreativnost videa, kao i broj like-ova koje video dobije na vašem FB profilu. Stoga, budite kreativni, zanimljivi i promovirajte ga.

#### **Rok i način slanja prijave**

Prikupljene dokumente stavljene u kovertu potrebno je dostaviti **do petka 10. juna/lipnja 2016.** godine **do 15:00 h** (u obzir se uzimaju i pristigle koverta sa datumom slanja do 10.06.) kao i kreativni zadatak sa kontaktima poslati na e-mail: [munja@munja.ba](mailto:munja@munja.ba).

Prijave se mogu poslati **poštom** na adresu:

**MUNJA**  
**Za konkurs «Putujemo u Evropu»**  
**Skenderpašina 1**  
**71 000 Sarajevo**

ili lično dostaviti u zatvorenoj koverti u prostorije Munje (Networks) radnim danom od 09:00h do 20:00h).

U razmatranje će biti uzete samo potpuno popunjene prijave, koje stignu na navedenu adresu uz poslani kreativni zadatak elektronskim putem na vrijeme.

#### **Intervju**

- Samo finalisti će biti kontaktirani i pozvani na intervju u Sarajevo koji je 17. ili 18.06.2016. godine.

#### **Radionica**

- Odabrani studenti će nakon intervjuja biti pozvani na **orijentacijsku radionicu** kada će biti detaljnije informirani o putovanju, programu i drugim administrativnim stvarima.

#### **Polazak**

- Zvaničan polazak iz Sarajeva i Banja Luke na otvaranje programa u Berlinu bit će **24.07.2016.** godine, a InterRail karta vrijedit će 22 dana od dana polaska.

### **Putujemo u Evropu – podaci o programu 2008. - 2015:**

- Do sada se na program prijavljivalo između **50 i 110** studenata;
- Između 40 i 60 studenata najčešće je pozvano na finalni intervju;
- Odabrano je **38** (2008.), **44** (2009.), **27** (2010.), **28** (2011.), **29** (2012.), **27** (2013.), **27** (2014.) i **25** (2015.) studenata koji su sudjelovali u programu;
- Prosječno trajanje putovanja studenata bilo je **24** dana;
- Prosječni trošak putovanja (smještaj i hrana) po studentu iznosio je **500 - 600 EUR**;
- Većina studenata je uspjela sakupiti dodatna sredstva sponzora i donatora za pokrivanje troškova svoga putovanja.

### **Dodatno finansiranje i podrška:**

- Odabrani studenti imat će nešto više od mjesec dana do putovanja da nađu individualno i dodatna sponzorstva i podršku. Munja će izdati potvrde o učešću u programu i pružiti mogućnosti da svi dodatni sponzori studenata budu reklamirani na webu i drugim promo materijalima.
- Munja će organizirati posebnu pripremnu radionicu za odabrane učesnike projekta na kojoj će dobiti informacije o načinima nalaženja jeftinih (nekada i besplatnih) opcija smještaja, kao i o drugim korisnim savjetima što može umanjiti troškove putovanja.
- Svi polaznici programa dobit će i poseban vodič sa korisnim savjetima kako se pripremiti za putovanje i proći što jeftinije.

### **Dodatne informacije**

- Munja fan page na Facebooku
- E-mail: [munja@munja.ba](mailto:munja@munja.ba)
- Tel: **033 23 77 64**
- [www.hocu.ba](http://www.hocu.ba)

**Sretno!** 😊

*munja tim*